

ЕНЛЫ *

Мыйла ланьтін, ыджыд ен?
Сідзи өмөй колө?
Пөрысь йөзөс кутө шен:
Том йөз ентөг олө,-
Вичко пыдди налөн - клуб,-
Сөмын пөрысь ветлө;
Блюдйө өкмө ещө руб,
Сиськыд абу - петлө!
Паськыд муын уна лёк,
Тэныд колө төдны.
Йөзыд пытшкын пуө рок -
Озыр көсйө пөдны...
Кытчө вошин, ыджыд ен?
Көні тэнад милөсьт?
Сьвятөйясыд тэнад көн?
Оз кывсьы на йылысь...
Большөвикөн муыд тыр,
Чинөм пыдди чөжсьө,
Белөйяслөн киссьө пыр –
Воддза олөм вежсьө.
«Код оз уджав - мед оз сөй!», -
Өнъя права шуө,-
Озыр йөзлы, милөй мой,
Ковмас пырны гуө...
Коді пуктас сэки сись?
Мыйла сідзи узян?
Большөвиклөн син оз вись,-
Сөмын сійө пузьө...
Поплы нинөм оз шед дзик,
Норма вылын мырсьө...
Мукөд попыд - большевик,-
Панёв ордын шырсьө...
Кытчө воши тэнад бур,-
Озырьясөс лэптөм?..

Озыр гөльөс мед оз пур,-
Юртө он и лэпты!..
Век на юрбитас мед пөль,
Колөкө со көкөд...
Тэтөг луттшө олас гөль,-
Важөн вөлі сьөкыд.

* Медводдзаысь печатайтөма 1921 воын.

Удж. -1921. - 26 марта.